

PENDIDIKAN HAK ASASI MANUSIA SECARA TIDAK FORMAL

PENGAJARAN YANG DIDAPATI DARI PROGRAM TINDAKAN PENDIDIKAN HAK ASASI

APAKAH PROGRAM TINDAKAN PENDIDIKAN HAK ASASI?

Program Tindakan Pendidikan Hak Asasi Pendidikan (REAP) adalah inisiatif pembelajaran hak asasi selama 10 tahun yang dipimpin oleh Amnesty International Norway. REAP telah dilaksanakan oleh Amnesty International di Israel, Malaysia, Moldova, Maghribi, Poland, Rusia, Slovenia, Afrika Selatan, Thailand dan Turki. Setelah menaksir keperluan tempatan, rakan kongsi projek REAP telah memilih hak-hak manusia yang spesifik dan relevan kepada kumpulan sasaran mereka dan konteks hak asasi negara tersebut. Di teras REAP adalah "pengganda" – individu yang melalui peranan atau kedudukan dalam masyarakat, berupaya mempengaruhi ramai individu atau kumpulan. Melalui REAP, rakan kongsi projek mewujudkan impak positif hak asasi dan menyumbang kepada matlamat Amnesty International untuk membina budaya hak asasi manusia di seluruh dunia.

PENDIDIKAN HAK ASASI MANUSIA SECARA TIDAK FORMAL

Inisiatif pendidikan hak asasi manusia Amnesty International adalah bertujuan untuk memperkasakan individu dan



© Amnesty International

Penyokong hak asasi manusia berkumpul menyokong 16 Hari Aktivisme Amnesty International di Cape Town, Afrika Selatan, bagi mempromosikan kempen Hentikan Keganasan Terhadap Wanita.

komuniti melalui pemberian pengetahuan dan kemahiran yang konsisten dengan prinsip hak asasi antarabangsa. Matlamat ini sering digunakan diluar waktu pengajaran am. Dalam suasana tidak formal seperti kumpulan komuniti, kumpulan belia dan forum tempatan, REAP memberitahu rakyat tentang hak mereka dan hak orang lain, dan ia bekerja untuk mengalakkan setiap individu mempertahankan hak asasi

mereka. Benih perubahan sosial tersebut tumbuh melalui perkongsian yang amat bernilai dengan pertubuhan kebangsaan dan tempatan, dan dengan mencambah aktivisme melalui mobilisasi belia. Melalui pendidikan hak asasi manusia, para peserta REAP memperoleh kemahiran untuk menjadi pembela hak asasi manusia bagi diri sendiri dan komuniti.





‘Dalam kebanyakan masyarakat, rakyat kini menyedari hak-hak mereka dan tanggungjawab dan mereka kini melaporkan kes dan mula bersuara.’

Rakan kongsi projek REAP, Afrika Selatan

MEMPERTINGKATKAN IMPAK MELALUI KERJASAMA

Rakan tempatan adalah kunci kejayaan REAP. Sebagai sebahagian dari inisiatif REAP pada peringkat kebangsaan, Amnesty International telah menjalinkan perkongsian yang mantap dengan NGO dan organisasi peringkat komuniti (CBO). Kerjasama ini meningkatkan keupayaan semua rakan kongsi untuk menyampaikan hak asasi manusia melalui pendidikan dan aktiviti kesedaran. Perkongsian ini telah mengukuhkan impak hak asasi Amnesty International di peringkat dasar masyarakat.

Melalui kerjasama dengan NGO dan CBO, REAP memperkasakan individu untuk mempertahankan hak mereka dan berusaha ke arah perlindungan hak tersebut. Amnesty International Afrika Selatan telah mencapai kejayaan melalui kerjasama dengan CBO khususnya, mengadakan bengkel latihan, kempen berkaitan hak asasi manusia dan perbincangan kesihatan di klinik luar bandar. Pengganda REAP bekerja untuk melindungi hak wanita dan menyediakan pendidikan

mengenai isu HIV dan AIDS yang merangkumi mangsa keganasan rumahtangga, wanita hamil dan remaja. Sebagai contoh, rakan kongsi REAP, Program Memperkasakan Mangsa Thohoyandou (TVEP) di Limpopo, berusaha untuk mewujudkan sikap tidak toleransi keatas keganasan dan diskriminasi gender.

Amnesty International Malaysia telah juga mencapai kejayaan dengan berpasang dengan NGO dan CBO bagi membangunkan latihan dan kaedah untuk pendidikan hak manusia. Kesemua rakan kongsi mengadakan satu mesyuarat tahunan bagi mengkaji semula inisiatif pendidikan hak asasi manusia kebangsaan untuk belajar amalan terbaik. Rakan kongsi REAP di Malaysia, menjalankan sesi latihan mengenai hak asasi manusia yang spesifik, seperti “Centre of Independent Journalism” mengenai hak untuk mendapatkan maklumat, dan Suara Rakyat Malaysia (SUARAM) mengenai “ketahui hak anda apabila ditangkap”. Kehadiran REAP di Malaysia telah berjaya menjalinkan perkongsian yang berkekalan yang membenarkan pengganda menyebarkan kerja mereka dengan tepat dan berkesan.

‘Saya perhatikan beberapa peserta pernah mengaturkan masyarakat mereka tujuan kolektif action.... beberapa para peserta telah menyuarakan keprihatinan mereka.’

Rakan kongsi projek REAP, Malaysia



© Amnesty International

Di Atas: Penunjuk perasaan di Malaysia menyuarakan hak untuk perceraian adil dan pembebasan mereka yang ditahan di bawah Akta Keselamatan Dalam Negeri.

Kiri: Aktivis muda di Thailand di acara jagaan berlipin.

MENGERAKKAN BELIA MELALUI PENDIDIKAN HAK MANUSIA

Amnesty International membina satu generasi baru terdiri dari individu yang mempertahankan hak asasi manusia dengan menyokong dan bekerjasama dengan kumpulan belia. Rakan kongsi REAP menggunakan pendidikan bagi menyokong inisiatif hak asasi manusia dengan mengelolakan acara dan latihan dengan kelab belia. Amnesty International Thailand menganjurkan pelbagai lawatan sambil belajar untuk orang muda agar belia dapat mempelajari hak asasi manusia, mengadakan kem aktivisme yang mengajar asas hak asasi manusia, serta sesi yang menonjolkan cerita peribadi bagi mangsa pencabulan hak asasi manusia. Amnesty International Thailand juga mengadakan kursus untuk aktivis muda hak asasi manusia bagi menggalakkan pemikiran kreatif dan kemahiran mengumpul dana. Tugasan REAP di Thailand telah membantu membangunkan kemahiran kepimpinan untuk belia dalam Amnesty International dan merupakan langkah ke hadapan utama

dalam memperkasakan orang muda di Thailand untuk menyokong hak-hak mereka dan bekerja kearah perubahan komuniti.

PENDIDIKAN HAK MANUSIA DAN MEMPERKASAAN MEMBAWA PERUBAHAN SOSIAL

Pendidikan hak manusia adalah penting bagi mencapai perubahan sosial. REAP meningkatkan keadaan hak asasi manusia dengan memperkasakan individu untuk mempertahankan hak mereka. Di Afrika Selatan, REAP telah membolehkan rakyat untuk memahami dan untuk menjadi peserta aktif dalam kesedaran hak asasi manusia mereka, khususnya berkaitan dengan hak wanita, hak kanak-kanak, dan hak mereka yang hidup dengan HIV dan AIDS. Hasilnya, ramai individu kini sering melaporkan insiden pencabulan yang berlaku dalam masyarakat mereka.

Di Malaysia, isu hak wanita telah menjadi fokus dalam tugasan REAP. Semenjak REAP diadakan ramai wanita telah sedar

yang mereka patut melawan penderaan daripada pasangan mereka, dan ibubapa telah membuat keputusan bagi menghantar anak perempuan mereka ke sekolah. Masyarakat juga telah diperkasakan untuk meyarakan keprihatinan secara kolektif. Di Malaysia, masyarakat kini mengetahui bahawa mereka mempunyai hak untuk memfailkan aduan dengan majlis-majlis tempatan mengenai kekurangan kemudahan asas dan isu-isu perumahan. REAP telah bantu mengubah kesunyian kepada tindakan.

‘Saya tahu dimana saya tinggal, saya tahu jika sesuatu tidak betul apabila saya melihatnya, tetapi bengkel Amnesty International memberikan saya pengetahuan yang saya perlu untuk bertindak’

Rakan kongsi projek REAP, Thailand

'Amnesty International mengubah hidup saya sepenuhnya. Saya menemui kemahiran yang boleh diperolehi, bahan saya boleh menggunakan, tetapi yang lebih penting ialah bagaimana saya boleh membantu golongan terpinggir dengan berkesan. Saya dapati banyak lagi perkara saya boleh lakukan untuk orang lain dan banyak yang boleh dikongsi.'

Rakan Kongsi Projek REAP, Malaysia

'Sekarang saya bekerja dengan kanak-kanak di komuniti dan menyedarkan mereka tentang HIV / AIDS, lawatan pendidikan dan rumah.'

Rakan Kongsi Projek REAP, Afrika Selatan



© Amnesty International

Peserta REAP menghadiri perhimpunan di Kedutaan Zimbabwe di Pretoria, Afrika Selatan, untuk memberi sokongan kepada pembela hak asasi manusia di Zimbabwe.

CADANGAN

CADANGAN UTAMA DARIPADA REAP

- Ingatlah bahawa pendidikan hak asasi manusia adalah satu pendekatan untuk jangka masa yang panjang.

Pendidikan hak asasi manusia bertujuan untuk memupuk perubahan kepada sikap serta ilmu pengetahuan dan kemahiran. Jangan harapkan keputusan dalam semalam; sebagai satu proses ia mengambil masa, tetapi hasilnya berkekalan.

- Cari organisasi tempatan yang ada bersamaan matlamat dan objektif dan berkerja bersama mereka untuk mencapai komuniti dengan luas.

Di mana pertubuhan masyarakat awam dengan amalan yang pelbagai bekerjasama untuk pendidikan hak asasi manusia, bilangan rakyat yang mempunyai akses akan bertambah, dan mengambil tindakan untuk, mempromosi dan melindungi hak asasi manusia. Bersama-sama, Amnesty

International dan rakan tempatannya boleh memperbaiki intipati kerja mereka agar tersebar dengan lebih meluas.

- Libatkan orang muda dalam cara yang bermakna. Orang muda dapat menambah minat dan usaha kepada kempen dan boleh menjadi aktivis hak asasi manusia yang kuat untuk perubahan.

Orang muda mempunyai peranan penting dalam mengadakan perubahan sosial. Beliau adalah satu kumpulan sasaran utama untuk meningkatkan kepimpinan, menambahkan aktivisme dan membangunkan budaya hak asasi manusia.

- Menyesuaikan strategi global Amnesty International dengan keperluan dan konteks tempatan untuk memastikan keberkesanan dan mencapai keputusan yang berterusan.

Dalam suasana tidak formal ini, kaedah pendidikan hak asasi manusia boleh dengan efektifnya disesuaikan untuk menangani dan mencerminkan keutamaan rakyat dan komuniti.

**AMNESTY
INTERNATIONAL**



Amnesty International adalah pergerakan global seramai 2.2 juta penduduk di lebih dari 150 negara dan wilayah yang berkempen bagi menamatkan pencabulan hak asasi manusia.

Wawasan kami adalah bagi setiap individu untuk menikmati semua hak yang terkandung dalam Deklarasi Sejagat Hak-hak Manusia dan piawai-piawai hak manusia antarabangsa lain.

Kami bebas dari mana-mana kerajaan, ideologi politik, kepentingan ekonomi atau agama - dibiayai terutamanya oleh keanggotaan kami dan derma awam.

Januari 2010
Indeks: POL 32/001/2010

Amnesty International
International Secretariat
Peter Benenson House
1 Easton Street
London WC1X 0DW
United Kingdom
www.amnesty.org